

# Catscha cun l'egliada infracotschna

La survigilanza da catscha grischuna ha sittau el decours dil december 2023 nov lufs ed ils collegas valsesans el medem temps 20 da quels animals da rapina. Igl Uffeci da catscha, pestga e selvaschina dil cantun Valleis ha tradiu entgins detagls da lur catscha da lufs che cuoza aunc entochen la fin da schaner 2024.

ANDREAS CADONAU/FMR

Pauc success han ils catschadurs grischuns giu da sittar in ni l'auter luf duront la catscha speciala. Empau dapli success han ils catschadurs valsesans giu duront il medem temps, els han sittau treis lufs. In bienton pli efficienta ei la survigilanza da catscha valsesana stada il december vargau cun regular ils lufs. La survigilanza valsesana ha da cuminanza cun ils catschadurs sittau 20 lufs, ferton che la survigilanza grischuna ha sittau duront il december 2023 nov lufs, sco quei ch'igl Uffeci da catscha e pesca dil cantun Grischun ha comunicat (LQ 09-01-2024). Sin damonda dalla FMR ha igl Uffeci da catscha dil cantun Valleis tradiu lur stentas da regular il diember da lufs sin lur intschess entochen la fin schaner 2024.

## Gruppa da sustegn

Sco quei ch'igl Uffeci da catscha, pesca e selvaschina dil cantun Valleis scriva ha il cantun entretschau semegliontamein sco il cantun Grischun catschadurs locals per sittar lufs els intschess lubi per regular ils trieps. «Ils catschadurs en possess dad ina patenta da catscha han stiuu absolver ina scolazion per saver separticipar alla regulaziun il december 2023 entochen la fin schaner 2024.» Sco gia menziunau han quels catschadurs valsesans sittau treis lufs el decours dil decembre 2023. Igl Uffeci da catscha, pesca e selvaschina dil cantun Valleis lavura denton aunc cun ina gruppa speciala da catschadurs. «Entgins da quels catschadurs ein attribuids a mintga singul survi-



La survigilanza da catscha valsesana ha engaschau ina gruppa speciala da catschadurs che sostegnan ils guardiaselvaschinas per sittar lufs. La gruppa da sustegn astga era ir a catscha da lufs duront la notg.

FOTO MAD

gilader da catscha cun l'incumbensa da sustener il survigilader ella regulaziun dils lufs», scriva igl uffeci da catscha e menziuna ch'era quels catschadurs ha gien stiuu far la scolazion.

Ei dat denton aunc ulteriuras premissas digl uffeci da catscha valsesan viers ils catschadurs dalla gruppa da sustegn. «Els ston esser disponibels a cuorta vesta duront plirs gis ed era duront la

notg.» Vinavon pretendta igl uffeci dad els ferg bunas enconuschienschas dil territori nua ch'ils lufs astgan vegnir sitai ed ils catschadurs ston haver experienza dad ir a catscha la notg cun in

equipament corrispondent. Per ideal valetescha igl uffeci, sche quels catschadurs dalla gruppa da sustegn possedan igl equipament per la catscha dalla notg sco camera termica/apparatura d'observaziun cun radis infracotschens, zeref (perspectiv da noda) cun radis infracotschens ed auter. «Ils catschadurs dalla gruppa da sustegn san era vegnir en aczun ordeifer il temps ordinari da catscha», scriva igl Uffeci da catscha dil cantun Valleis sin damonda dalla FMR.

## Da buna speranza

Arno Puorger, responsabel per ils animals da rapina tiegl Uffeci da catscha e pesca dil cantun Grischun, ei da buna speranza ch'ei reussesshi als guardiaselvaschinas grischuns da sittar entochen la fin da schaner 15 lufs. «Las circumstanze ein momentanamein bunas ed ils guardiaselvaschinas motivai», ha Arno Puorger getg viers RTR. Ch'igl ei reussiu alla equipa da catschadurs dalla catscha speciala da sittar negins lufs ed alla guardiaselvaschiana grischuna da sittar buca dapli che nov lufs el decours dil meins december attribuescha il responsabel per ils animals da rapina grischuns allas schlitas circumstanze. «Circumstanze giuridicas e dall'aura», sco Arno Puorger ha getg a RTR. L'equipa grischuna ch'ei s'annunziada per la catscha da lufs ha era buc astgau ir a catscha la notg cun in equipament corrispondent. Per entgins lufs posseda il cantun ina lubienschia da sittar entochen la fin mars, han ins pudiu endriescher via RTR.